



Adresa: **Ul. Hamdije Ćemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e-mail: info@voda.ba

Broj: **UP-1/21-1-40-685-16/22**
Datum: **03.11.2023. godine**

«Agencija za vodno područje rijeke Save» Sarajevo rješavajući po zahtjevu Grada Zenica podnesenog putem Službe za urbanizam za donošenje rješenja o prethodnoj vodnoj saglasnosti za aktivnost – izgradnja/polaganje dijela trase fekalnog kolektora na lijevoj obali rijeke Bosne u naselju Janjići na dijelu parcele označene kao k.č. broj: 1587/1 K.O. Janjići, grad Zenica (javno vodno dobro-rijeka Bosna) a u postupku pribavljanja urbanističke saglasnosti za izgradnju dijela fekalne kanalizacije MZ Janjići na traženje JP za prostorno planiranje i uređenje grada «Zenica» d.o.o. Zenica, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Gradu Zenica, Služba za urbanizam za aktivnost izgradnja/polaganje dijela trase fekalnog kolektora na lijevoj obali rijeke Bosne u naselju Janjići na dijelu parcele označene kao k.č. broj: 1587/1 K.O. Janjići, grad Zenica (javno vodno dobro-rijeka Bosna), a u postupku pribavljanja urbanističke saglasnosti za izgradnju dijela fekalne kanalizacije MZ Janjići.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za ispuštanje otpadnih voda predmetnog naselja u površinske vode, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 2. i stav (3) Zakona o vodama.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 3.1. Izraditi investiciono tehničku dokumentaciju potrebnu za pribavljanje vodne saglasnosti za predmetnu aktivnost na nivou glavnog projekta. Dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 3.2. Projektnom dokumentacijom dati tehničko rješenje polaganja dijela kolektora u vodnom dobru sa svim potrebnim proračunima i tehničkim opisom kao i situativni prikaz trase kolektora, tačan položaj kolektora i pripadajućih revizionih okana u odnosu na rijeku Bosnu, vodno dobro, linije velikih voda ranga pojave jednom u sto godina i druge korisnike voda, ako egzistiraju u zoni izgradnje planiranog dijela kolektora.
 - 3.3. Kanalizacioni kolektori kao i objekti na trasi treba da budu projektovani od vodonepropusnog materijala, kako bi se isključila mogućnost zagađenja podzemnih i površinskih voda te okoliša generalno.
 - 3.4. Projektnom dokumentacijom sagledati sve moguće neželjene uticaje, kako na planirane objekte kanizacionog sistema tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima

ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20)).

5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izradenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže:
 - 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 6.2. Rješenje o urbanističkoj saglasnosti
 - 6.3. Dokaz o izvršenoj uplati upravne takse u iznosu od 60 KM
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane Grada Zenica putem Službe za urbanizam, dana 31.12.2022. podnesen je «Agenciji za vodno područje rijeke Save» Sarajevo zahtjev za donošenje rješenja o prethodnoj vodnoj saglasnosti za aktivnost – izgradnja/polaganje dijela trase fekalnog kolektora na lijevoj obali rijeke Bosne u naselju Janjići na dijelu parcele označene kao k.č. broj: 1587/1 K.O. Janjići, grad Zenica (javno vodno dobro-rijeka Bosna) a u postupku pribavljanja urbanističke saglasnosti za izgradnju dijela fekalne kanalizacije MZ Janjići (od RO1 (GK1) do RO10 (GK1), od RO3 (GK1) do RO6 (GK4), od RO1 (GK1) do RO18 (GK2) sa izlaznom građevinom i dijela sekundarne mreže od RO13 (GK2) do RO20-K2, od RO7-GK2 do RO23-K2 i od RO6 (GK2) do RO25-K2) koji se u ovoj Službi vodi na traženje JP za prostorno planiranje i uređenje grada «Zenica» d.o.o. Zenica.

Uz zahtjev nije dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-685-2/22 od 05.01.2023. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji za Grad Zenica - gradonačelnik izdatog dana 08.12.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-38506/17 za Grad Zenica - gradonačelnik izdatog dana 27.02.2017. godine od strane Službe za statistiku za područje Zeničko-dobojskog kantona,
- Protokol od 16.12.2022. godine,
- Kopija katastarskog plana za parcelu označenu kao k.č. broj: 1587/1 K.O. Janjići, grad Zenica izdata dana 27.01.2023. godine od strane Službe za imovinsko-pravne, geodetske poslove i katastar nekretnina Grad Zenica,
- Glavni projekat fekalne kanalizacije MZ Janjići, općina Zenica urađen od strane «IBIS» d.o.o. Zavidovići, broj: 05-IB-G/15, februar 2015. godine (na uvid),
- Pregledna situacija po fazama MJ 1:2500,
- Elaborat-ukrštanje trase kanalizacionog kolektora sa magistralnim putem M-17 Zenica-Sarajevo urađen od strane «IBIS» d.o.o. Zavidovići, broj: 27-IB-EL/21, decembar 2021. godine (na uvid),

- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 08.02.2023. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 09.02.2023. godine u dnevnom glasilu «OSLOBOĐENJE».

U datom roku stiglo je izjašnjenje JP Elektroprivreda BiH d.d. Sarajevo o aktivnostima iz zahtjeva u kojem nas, u svojstvu zainteresovanog lica, a u cilju izbjegavanja eventualne kolizije, obavještavaju da je nizvodno od planirane HE Janjici u naselju Janjici predviđeno uređenje korita rijeke Bosne u sklopu izgradnje hidroelektrane, a za što je od strane ove Agencije, u postupku ishodovanja urbanističke saglasnosti, doneseno Rješenje o prethodnoj vodnoj saglasnosti broj: UP-1/25-1-40-572-7/16 od 20.12.2016. godine, a od strane Federalnog ministarstva prostornog uređenja Rješenje o načelnom odobrenju za građenje broj: UPI/03-23-2-104/19 od 23.04.2019. godine.

U cilju utvrđivanja činjenica bitnih za odlučivanje u ispitnom postupku od podnosioca zahtjeva je dopisom broj: UP-1/21-1-40-685-7/22 od 17.02.2023. godine zatraženo očitovanje u pogledu usaglašenosti planirane trase fekalnog kolektora sa projektnom dokumentacijom za HE Janjici i prostorno planskom dokumentacijom grada Zenica.

Kako podnosilac zahtjeva nije dostavio očitovanje, niti se izjasnio o razlozima nedostavljanja tražene dokumentacije, to je urgencijom broj: UP-1/21-2-40-685-9/22 od 25.05.2023. godine dat novi rok za dopunu dokumentacije, odnosno 20 dana od dana prijema urgencije.

JP za prostorno planiranje i uređenje grada «Zenica» d.o.o. Zenica se obratilo ovoj Agenciji sa Očitovanjem broj: 03-1-464/23-AI od 31.05.2023. zaprimljenim 08.06.2023. godine.

Uvažavajući razloge navedene u očitovanju, odnosno da postoji kolizija sa projektnom dokumentacijom HE Janjici investitora JP ELEKTROPRIVREDA BiH d.d. Sarajevo, te potreba za izmjenom projektne dokumentacije za fekalni kolektor na lijevoj obali rijeke Bosne u naselju Janjici, uvažili smo molbu za ne obustavljanje postupka.

Nakon nove Urgencije broj: UP-1/21-2-40-685-12/22 od 21.09.2023. godine podnosilac zahtjeva je dostavio sljedeće:

- Glavni projekat – kanalizaciona mreža naselja Janjici u dijelu izmiještanja budućeg anaerobnog biološkog uređaja izvan zone priključnih saobraćajnica broj: 45-IB-G/23, oktobar 2023. god., urađen od IBIS d.o.o. Zavidovići, i
- Očitovanje vezano za izdavanje prethodne vodne saglasnosti za izgradnju/polaganje dijela trase kanalizacionog kolektora na lijevoj obali rijeke Bosne u naselju Janjici prema predmetu broj: UP-1/21-1-40-685-9/22 Agencije za vodno područje rijeke Save od 25.05.2023. godine broj: 07-36111-1/23 od 20.10.2023.

Na osnovu uvida u dostavljenu dokumentaciju utvrđeno je:

Glavnim projektom fekalne kanalizacije MZ Janjici u Zenici urađenim od strane «IBIS» d.o.o. Zavidovići, februar 2015. godine obrađen je način prikupljanja fekalnih otpadnih voda za manje od 2000 stanovnika i poslovnih objekata naselja koja gravitiraju MZ Janjici. Za manji dio domaćinstava i poslovnih objekata predviđeno je da se izgradi kanalizacioni kolektor sa priključkom na gradsku kanalizacionu mrežu, a za veći dio predviđena je izgradnja kolektora sa ispuštom prikupljenih voda u rijeku Bosnu preko budućeg postrojenja za prečišćavanje otpadnih voda. Projektom nije obrađen način tretmana prikupljenih otpadnih voda – samo je situaciono dat položaj budućeg postrojenja za prečišćavanje otpadnih voda i pumpne stanice.

Novim projektnim rješenjem je izbjegnuta kolizija između priključka pristupnog puta za HE Janjici na magistralnu cestu M17 i uređaja za prečišćavanje otpadnih voda i priključnih kolektora, čime je zahtjev JP ELEKTROPRIVREDA BiH d.d. Sarajevo ispunjen, što je i potvrđeno u Očitovanju.

Projektnim rješenjem nije planirano ukrštanje kolektora sa vodotokom I kategorije niti je planirano polaganje istih u vodnom dobru vodotoka I kategorije izuzev dijela kolektora DN 250 od okna RO1 (novi kolektor) do vodotoka (do ispusne građevine).

Ispuštanje otpadnih voda u površinske vode za naselja koja imaju manje od 2000 stanovnika, u skladu sa članom 139. stav (2) tačka 2. Zakona o vodama i članom 17. stav (2) tačka 2. Pravilnika o sadržaju, obliku, uslovima, načinu izdavanja i čuvanja vodnih akata je u nadležnosti Kantonalnog ministarstva nadležnog za vode.

Nakon uvida u dostavljenu dokumentaciju te na osnovu utvrđenog činjeničnog stanja, utvrđeno je da, shodno članu 12. stav (1) tačka 1. i 6. i stav (2) Zakona o vodama a u vezi sa članom 16. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju/polaganje dijela kanalizacionog kolektora u vodnom dobru rijeke Bosne na dijelu parcele označene kao k.č. broj: 1587/1 K.O. Janjići, grad Zenica, pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5., članom 10. stav (3) i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj UP-1/21-I-40-685-8/22 od 28.02.2023. godine.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Sanja Miličić, građ.ing.

Po ovlaštenju

Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- Grad Zenica, Služba za urbanizam
Trg BiH br 6, 72000 Zenica
- JP za prostorno planiranje i uređenje grada «ZENICA» d.o.o. Zenica
ul. Mehmedalije Tarabara br 15, 72000 Zenica
- JP ELEKTROPRIVREDA BiH d.d.
Vilsonovo šetalište 15, 71000 Sarajevo
- AVP Sava, ISV-vodna knjiga
- Ⓢ Sektor 40 – arhiva
- Oglasna ploča AVP Sava